



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Recessus Sacerdotalis post Administratum S. Pœnitentiæ Sacramentum.

[urn:nbn:de:hbz:466:1-52716](#)

Exercitium

mine † Patris , & † Filii , & Spiritus
† Sancti. Amen.

Nos cum Prole Pia , Beneſdi-
cat dulcis Virgo Maria.

IN actuali exitu ad S. Tribunal recite-
tur vel *hymnus de S. Spiritu* : Vel
Rythmus : *Anima Christi, sanctifica me.*
Dum surgitur ex Confessionali, sit sta-
tim in ore *Te Deum Laudamus.*

Recessus Sacerdotalis
post
Administratum S. Pœnitentiae
Sacramentum.

Antiphona.

Magnificat anima mea Dominum,
quia respexit humilitatem meam.

Psalmus 117.

Confitemini Domino , quoniam in
saeculum misericordia ejus.

Dicat nunc Israël , quoniam bonus:
quotiam in saeculum misericordia
ejus.

Dicat



post S. Confessiones.

Dicat nunc domus Aaron: quoniam
in sæculum misericordia ejus.

Dicant nunc, qui timent Domi-
num: Quoniam in sæculum misericor-
dia ejus.

De tribulatione invocavi Dominum:
& exaudivit me in latitudine Domi-
nus.

Dominus mihi adjutor: non timebo,
quid faciat mihi homo.

Dominus mihi adjutor, & ego de-
spiciam inimicos meos.

Bonum est confidere in Domino:
quam confidere in homine.

Bonum est sperare in Domino:
quam sperare in principibus.

Omnis gentes circuierunt me: & in
nomine Domini quia ulti sum in eos.

Circumdantes circumdederunt me:
& in nomine Domini quia ulti sum in
eos.

Circumdederunt me sicut apes: &
exarserunt sicut ignis in spinis: & in no-
mine Domini, quia ulti sum in eos.

Impulsus eversus sum, ut caderem:
& Dominus suscepit me.

Exercitium

Fortitudo mea , & laus mea Dominus,
& factus est mihi in salutem.

Vox exultationis , & salutis : in ta-
bernaculis justorum.

Dextera Domini fecit virtutem : Dex-
tera Domini exaltavit me : Dextera Do-
mini fecit virtutem.

Non moriar , sed vivam : & narrabo
opera Domini.

Castigans castigavit me Dominus : &
morti non tradidit me.

Aperite mihi portas justitiæ : Ingres-
sus in eas confitebor Domino : Hæc
porta Domini , justi intrabunt in eam.

Confitebor tibi , quoniam exaudisti
me : & factus es mihi in salutem.

Lapidem , quem reprobaverunt ædi-
ficantes , hic factus est in caput anguli.

A Domino factum est istud : & est
mirabile in oculis nostris.

Hæc est dies , quam fecit Dominus :
Exultemus & lætemur in ea.

O Domine salvum me fac : O Domi-
ne benè prosperare : Benedictus , qui
venit in nomine Domini .

Bene-

post S. Confessiones.

Benediximus vobis de domo Domini : Deus Dominus & illuxit nobis.

Constitute diem solemnem in condensis , usque ad cornu Altaris.

Deus meus es tu , & confitebor tibi,
Deus meus es tu , & exaltabo te.

Confitebor tibi , quoniam exaudisti
me : & factus es mihi in salutem.

Confitemini Domino , quoniam bonus : quoniam in sæculum misericordia ejus.

Gloria Patri , & Filio &c.

Psalmus 121.

Lætatus sum in his , quæ dicta sunt
mihi : in domum Domini ibimus.

Stantes erant pedes nostri : in atriis
tuis Jerusalem.

Jerusalem quæ ædificatur ut civitas :
cujus participatio ejus in idipsum.

Illuc enim ascenderunt tribus tribus
Domini , testimonium Israël ad confi-
tendum nomini Domini.

Quia illic sederunt sedes in judicio,
sedes super domum David.

Exercitium

Rogate, quæ ad pacem sunt Jerusalēm : & abundantia diligentibus te.

Fiat pax in virtute tua, & abundantia in turribus tuis.

Propter fratres meos, & proximos meos, loquebar pacem de te.

Propter domum Domini Dei nostri, quæ sivi bona tibi.

Gloria Patri &c.

Psalmus 116.

LAUDATE Dominum omnes gentes :
Iaudate eum omnes populi.

Quoniam confirmata est super nos misericordia ejus : & veritas Domini manet in æternum.

Gloria Patri &c.

Repetitur Antiphona.

Magnificat anima mea Dominum,
quia respexit humilitatem meam.
Kyrie eleison, Christe eleison, Kyrie
eleison.

Pater Noster.

V. Et ne nos inducas in temptationem.

V. Sed libera nos à malo.

V. Con-



post S. Confessiones

- ¶. Confirm a hoc Deus, quod opera-
tus es in nobis,
¶. A templo sancto tuo, quod est in
Jerusalem.
¶. Adjuva nos Deus salutaris noster.
¶. Et propter gloriam Nominis tui Do-
mine libera nos, & propitius esto
peccatis nostris.
¶. Domine exaudi orationem meam.
¶. Et clamor meus ad te veniat.
¶. Dominus vobiscum.
¶. Et cum spiritu tuo.

Oremus.

PRæsta nobis, quæsumus Domine,
auxilium gratiæ tuæ: ut, quæ te au-
ctore facienda cognovimus, te operante
impleamus.

Deus, qui diligentibus te facis cuncta
prodesse; Da cordibus nostris inviola-
bilem tuæ charitatis affectum, ut desi-
deria de tua inspiratione concepta, nul-
lā possint tentatione mutari.

Domine Jesu Christe! Fili Dei vivi,
fusci p[ro]p[ter]e hoc obsequii nostri ministerium
in amore illō superdignissimō, quō Bea-

c s tissi-

Exercitium post S. Confessiones.

tissimam Mariam Magdalenam, omnesque ad te confugientes peccatores absolvisti. Et quidquid in sacramento hujus administratione negligenter, minusque dignè peregrimus, tu per te supplere, & satisfacere digneris. Omnes & singulos, qui nobis hodie, vel unquam confessi sunt, commendamus dulcissimo cordi tuo, rogantes, ut eosdem potenter custodias, suaviter dirigas, & à recidivâ paternè præserves, atque post hujus vitæ miseriam tecum ad gaudia perducas æterna. Id supplicamus te pro nobis, pro omnibus pœnitentibus, & filiis spiritualibus per lacrymas, sudorem, & sanguinem tuum. Benedic igitur nobis cum Patre, & Sancto Spiritu, ubermque largire gratiam amplectendi semper, & in omnibus, ac ubique, nunc & in hora mortis tuam sanctissimam voluntatem.

Amen.

TA-

